

GLOBALIZAZIOA

Mundializazioari aurre egiteko, hilaren 22 eta 23an Euskal Herriko Foro Soziala sortuko da, Baionan

Aitor Renteria | BAIONA

Azken bi urteotan Porto Alegreko foro sozialak oihartzun zabala izan du mundu osoan, eta Brasilgo hiri horretako eta Florentziako (Italia) Foro Sozialen zubi gisa, mundializazioari buru egiteko Euskal Herriko Foro Soziala sortuko da, Baionan ekainaren 22an eta 23an egin diren jardunaldien ondotik.

Izan ere, Euskal Herriko Foro Soziala hartuko duen ekimenak ez du alderdi politiko edo sindikatuen eraginaren menpe ito nahi, eta horregatik pertsona talde batek iragarri du xedea. Alderdi eta sindikatueta partaideek izena eman dezakete, baina nork bere izenean, ez talde gisa.

«Mundializazioari buru egiteko aterabideak eta alternatibak eztabaidatzea eta gogoeta egitea herriar kontzientzia duen orori dagokio», adierazi zuen Patricia Sahastunek, ekimenaren antolatzaileetako batek.

Europa osoan eta oro har mundu osoan egiten ari den bezala, sistema neoliberalari aurre egiteko mugimendu alternatiboak «orokorrean hausnartu behar du eta tokian berean jardun», Veronique Deladeveze antolatzaileak adierazi zuenez.

Orotara bederatzi mintegi eta lantzeko gai anitz

Foro soziala ekainaren 22an abiatuko da, Baionako unibertsitatean. Orotara bederatzi mintegi ttipi egingen dira, eta bakoitzak, Donostia-Baiona eurohiriari buruzko mintegia izan ezik, oren eta erdiko iraupena ukanen du.

Aztertuko diren gaien artean elkartzunezko ekonomia, uraren gatazka, laborantza, kultur erresistentziak, eurohiria, eta zerbitzu publikoak izanen dira.

LABURREAN

Iberia aire konpainiak Telepizza ordezkatzeko du Ibex-35 indizean uztailaren 1etik aurrera

Ibex-35 burtsa indizean sartuko da uztailetik aurrera Iberia aire konpainia, Telepizzaren orde. Burtsako aholkulari teknikoen batzordearen arabera, indizean sartzeko baldintzak betetzen ditu Iberiak: azken hilabetearen negoziazio bolumen handia iritsi du, eta kapitalizazio handia ere badu. Iberiak, azken hiru hilabeteetan 5,2 milioi akzio negoziatu ditu egunero batez beste, eta Telepizzak, aldiz, 561.000.

BBVAk Jerseyko bankuaren inguruko informazioa igorri dio Garzon epaileari

BBVA Privanza Bank Jersey bankuarekin zerikusia duten zortzi enpresaren inguruko informazioa igorri dio BBVAk Baltasar Garzon Espainiako Auzitegi Nazionaleko epaileari. BBVren ezkutuko kontuen kasuko David Martinez fiskalaren ustez, enpresa horiek legez kanpoko eragiketarako erabili zituen BBV, eta hori hala den argitzeko dokumentazioa eskatu zion Garzon epaileak finantza erakundeari.

Lagun Aro aseguru etxeak bulego berri bat ireki du Iruñeko Arrotxapea auzoan

Lagun Aro aseguru etxeak seigarren bulegoa inauguratu berri du Nafarroan, Iruñeko Arrotxapea auzoan hain justu. Aseguru etxe horretako arduradunek azaldu zuten, «pixkanaka-pixkanaka Nafarroako merkaturaren hedatzen ari da Lagun Aro». 2001. urtearen amaierarako 9.250.000 euroko fakturaziora iritsi zen Lagun Aro Nafarroan, 2000 urtean baino %28 gehiago. Aurten kontratazioak %27 handitzea aurreikusi dute.

OSASUNA. Ehun ebakuntza atzeratu direla aitortu du Osakidetza

Erizainen greba mugagabea abiatzeko aukeraz ohartarazi du SATSEk

Kopuru kontrajarriak eman dituzte lanuztearen erantzunari buruz

I. Santamaria | GASTEIZ

Euskal Autonomia Erkidegoko erizainen sindikatua, SATSE, prest dago greba mugagabea bultzatzeko, Encarna de la Maza idazkariak ohartarazi duenez. Iragarpena sindikatuak atzo deitutako lanuzte orokorraren harira egin du De la Mazak. SATSEk mobilizazioei ekin die, soldata osatzen duen atal bat, osagarri berezia, erizainek laguntzaile edo jagoleek baino txikiagoa dutelako.

Osakidetza greba egunera deitu zuen atzo SATSEk, baina ELA eta LABek ez zuten babestu. Osasun Saila eta sindikatuak datu kontrajarriak eman zituzten jarraipenari buruz. Osakidetzaaren arabera, oihartzun «eskasa» izan zuen, eta erizainen %18,47k egin zuten. Gaueko eta goizeko txandetan %21,09k egin zutela zehaztu zuen administrazioak.

Eraginari buruz, ehun ebakuntza atzeratu zirela aitortu zuen Osakidetza. Gainerako jarduerak normal egin ziren.

SATSEk, berriz, 300 ebakuntza eta 6.000 proba baino gehiago ezin izan zirela egin esan



Erizainek mobilizazioa egin zuten atzoko greba egunean.

zuen. Horrez gain, gogor kritikatzen zituen Osakidetza ezarritako gutxienerako zerbitzuak.

Hori dela eta, gaueko txandaren erizainen %95ek grebarekin bat egin zutela azaldu zuen sindikatuak, zerbitzuak bete arren. Goizean, berriz, ospitaleetako erizainen %80 eta lehen laguntzaileen %60 lanuztearen alde zeudela esan zuen Encarna de la Mazak. Larrialdien atalean %100 grebarekin bat zetorrela nabarmendu zuen.

Badago oraindik tartea negoziatzeko, De la Mazaren aburuz, baina hasiera eta amaiera epe jakin batzuk aurrez finkatu behar direla argudiatu zuen.

Maria Jesus Mugika Osakidetza Langileria zuzendariak adierazi zuen ez zegoela greba egiteko arrazoirik. Haren arabera, erizainek soldata «duinak» dituzte, eta jasotzen duten osagarri berezia 6.000 eurotik gorakoa da, eta beste erkidegoetan, aldiz, 1.592 eurokoak.

BURTSA. Iberia (+%2,06) Ibex-35era, eta Terra 5,5 euroko gutxienerakoan

‘Bleus chip’


J. B. Andueza |

Frantziako *Les Bleus* kanporatzea bezain harrigarria da egunotan burtsaren igoera. Aspaldi golik sartu gabe egon arren, beharako joera hautsi zuen atzo eta, 1.250 milioi euroko negoziazioarekin, Ibex-35ak gora egin zuen Telefonica (+%2,33) *blue chip*-ak eta bere ipotzek gidatuta.

Zidane baino hobeto moldatu zen Moviles (+%4,88), eta, gainera, Dow Jones epaileak ez zuen zangotrabatu Bilbao-2000. Banco Popular (+%3,65) fin ibili zen, eta %2 pasa irabazi zuten Amadeus, Sol Melia eta TPI ipotzak ere egun ona izan zuten. Ibex-35ean gure *Bixente Lizarazu* den Gamesa ere (+%1,95) sendo dabil, 20,9 eurotan. Uztailetik aurrera Telepizza ordezkatzeko du Iberiak.

Bilboko 2000 indizea

Diferentzia **+%0,17** | Azken indizea **1.334,57** | Aurreko indizea **1.318,77**



Beste indizeak

New York (Dow Jones)*	9.687,79 (+%0,58)
Tokio (Nikkei)	11.449,44 (-%0,60)
Madrid (IBEX-35)	7.55,9 (+%0,95)
Paris (CAC-40)	4.109,37 (+%2,10)
Londres (FTSE 100)	4.934,8 (+%0,13)
Frankfurt (DAX)	4.606,09 (+%0,37)
Milan (Mibtel)	21.521 (+%2,31)

* Eguerdia arte

Dibisen merkatua

	Euro bat
Pezeta	166,386
Libera	6,55
Dolarra (AEB)	0,9417
Libera Esterlina	0,6430
100 Yen (Japonia)	1,1814

DATUA

TF1 telebistaren kotizazioak gorabehera dezente izan du, Munduko Futbol Txapelketan eginiko apustua dela eta. Frantziaren kanporatzea publizitatean 10-32 milioi euroko galera bihurtuko da telebista katearentzat, baina *Les Bleus* kanporatu arren %4,77 igo zen atzo akzioa Parisen.

Donostiako enpresa batek ondoko lanpostua bete behar du:

KOMERTZIALA (72 erref.)

PUBLIZITATE SALMENTAN aritzeko DEBA ALDEAN

ESKANTZEN DA:

- Lan kontratu laborala, Gizarte Segurantzarekin.
- Soldata finko interesgarria + Komisioa.
- Bezero zerrenda.
- Formakuntza, enpresaren kontu.

ESKATZEN DA:

- EUSKARAZ JAKITEA EZINBESTEKOA DA.
- Eskarmentua izatea antzeko lanetan.
- Komunikaziorako gaitasuna eta harremanetarako trebezia.
- Eskualdean bizitzea.
- Autoa izatea.

INTERESATUEK, CURRİKULUM ZEHATZA BIDALI ARGAZKI BERRI BATEKIN, EKAINAREN 19a BAINO LEHEN, HELBIDE HONETARA:

1887 Posta-kutxa / DONOSTIA